



大事記解題卷一

宋 東 萊 呂 祖 謙 伯



周敬王三十九年庚申

解題曰大事記者列其事之目而已無所褒貶抑揚也熟復乎通釋之所載則其統紀可考矣解題蓋為始學者設所載皆職分之所當知非事雜博求新奇出於人之所不知也至於畜德致用淺深大小則存乎其人焉次輯之際有所感發或并錄之此特一時意之所及覽者不可以是為限斷也史記十二諸侯年表首年標歲名其後唯以六甲紀之簡而易見今從之凡所記大事無待箋注者更不解題此卷本末已見左傳者亦不重出

大事記解題

卷一

春秋

解題曰伊川程氏春秋傳序曰天之生民必有出類之才起而君長之治之而爭奪息導之而生養遂教之而倫理明然後人道立天道成地道平二帝而上

聖賢世出隨時有作順乎風氣之宜不先天以開人
各因時而立政暨乎三王迭興三重既備子丑寅之
建正忠質文之更尙人道備矣天運周矣聖王既不
復作有天而者誰欲倣古之跡亦私意妄爲而已事
之謬秦至以建亥爲正道以悖漢專以智力持世豈
復知先王之道也夫子當用之末以聖人不復作也
順天應時之治不復有也於是作春秋爲百王不易
之大法所謂考諸三王而不謬建諸天地而不悖質

大事記解題

卷一

二

諸鬼神而無疑百世以俟聖人而不惑者也先儒之
傳曰游夏不能贊一辭辭不待贊也言不能與於斯
耳斯道也惟顏子嘗聞之矣行夏之時乘殷之輅服
周之冕樂則韶舞此其準的也後世以史視春秋謂
褒善貶惡而已至於經世之大法則不知也春秋大
義數十其義雖大炳如日星乃易見也惟其微辭隱
意時措從宜者爲難知耳或抑或縱或與或奪或進
或退或微或顯而得乎義理之安文質之中寬猛之

宜是非之公乃制事之權衡揆道之模範也夫觀百
物而後知化工之神聚衆材然後知作室之用於一
事一義而欲窺聖人之心心非上智不能也故學春
秋者必優游涵泳默識心通然後能造其微也後王
知春秋之義則雖德非禹湯尙可以法三代之治矣
宋向魑出奔

解題曰向氏自是微矣向者桓之別也故或謂之桓

氏

史記正義宋忠云曹濟陰之
宗陶縣括地志云今曹州

大事記解題

卷一

三

陳恒弑簡公

解題曰臣弑其君天下皆得誅之况鄰有賊尤義所
當討也當是時天下之亂極矣因是足以正之孔子
已告老去位沐浴而朝蓋奉大義以卜天意若哀公
能從其請孔子必有所處天下大計可立而遂孔子
垂老有此事可爲魯之君臣皆莫之從也庸非天
乎程氏與其門人之論如此橫渠張氏載曰天子討
而不伐諸侯伐而不討故雖湯武之舉不謂之討而

謂之伐陳恒弑君孔子請討之此必因周制鄰有弑
逆諸侯當不請而討

史記正義曰地理志云渤海郡有東平舒縣是齊西北境今當

在滄州西北

有星亭

解題曰不書其方史闕文

周敬王四十年高無平出奔

解題曰國高天子之貳守也田常作亂故無平出奔

元王五年犁邱之役無平復見於傳蓋田氏尋復之

大事記解題

卷一

四

也史記年表是年書齊自是稱田氏謂諸侯不復知

有齊也

田敬仲世家曰陳敬仲奔齊以陳字爲田氏應劭曰田始食邑名

趙鞅伐衛

解題曰按左傳司馬氏稽古錄敬王二十七年晉趙

鞅納衛太子蒯聩于戚此師其爲蒯聩而舉與

子服回端木賜

解題曰回景伯也賜子貢也史記魯世家曰田常初

相欲親諸侯杜預曰仲尼之徒皆忠於魯國

衛太子蒯瞶自戚歸衛

解題曰史記年表在前一年今從左氏

杜預云頓邱衛縣西戚城

古河東又相州臨河縣東有戚城也

熒惑守心

解題曰心宋之分也史記失其月今附年末餘倣此

周敬王四十一年衛公子還成奔宋

解題曰公子還成瞞成也衛舊臣也

夏四月孔子卒

大事記解題

卷一

五

解題曰魯史左傳皆書己丑杜預曰四月十八日乙

丑無己丑己丑五月十二日日月必有誤孔子生于

魯襄公二十二年至是年七十三

衛孔悝奔宋

解題曰悝立莊公者也

白公殺公子申公子結執楚子

解題曰申子西也結子期也楚子惠王章也吳楚僭

補王用春秋例書其本節

陳侵楚

解題曰楚白公之亂陳人恃其聚而侵楚

方城

解題曰方城山在汝州葉縣西十八里

衛太叔遺奔晉

解題曰太叔衛舊族也

周敬王四十二年衛太子疾殺渾良夫

解題曰良夫立莊公者也

大事記解題

卷一

六

越子伐吳吳子禦之笠澤吳師敗績

解題曰史記正義云吳地記云笠澤松江之别名按

國語越王勾踐卽位三年興師伐吳戰於五湖

水經注江

南東注于具區謂之五湖口韋昭曰五湖今大湖也虞翻曰是湖有五道故曰五湖

不勝棲於

會稽用范蠡計令大夫種行成於吳曰請士女女於

士大夫女女於大夫隨之以國家之重器吳人不許

大夫種來而復往曰請委管籥屬國家以身隨之君

王制之吳人許諾王曰蠡爲我守於國對曰四封之

內百姓之事蠶不如種也四封之內敵國之制立斷
之事種不如蠶也王曰諾令大夫種守於國與范蠡
入宦於吳三年而吳人遣之勾踐之地南至于句無

諸暨有句無亭

北至於禦兒

嘉興禦兒鄉

東至于鄞西至於姑蔑

湖大廣運百里乃致其父母昆弟而誓之曰寡人聞古
之賢君四方之民歸之若水之歸下也今寡人不能
將帥二三子夫婦以蕃令壯者無取老婦老者無取
壯妻女子十七不嫁其父母有罪丈夫二十不娶其

大事記解題

卷一

七

父母有罪將免者以告公盞守之生丈夫二壺酒一
犬生女子二壺酒一豚生三人公與之母生一人公
與之餼當室老死三年釋其政支子死三月釋其政
必哭泣葬埋之如子令孤子寡婦貧病者納官其子
其達士潔其居廩其食而摩厲之於義四方之士來
者廟禮之勾踐載稻與腊於舟以行國之孺子之遊
者無不餽也無不歡也必問其名非其身之所種則
不食非其夫人之所織則不衣十年不收于國民俱

有三年之食吳王夫差還自黃池息民不戒越夫
種曰吾謂吳王將遂涉吾地今罷師而不戒以忘我
我不可以怠今吳民旣罷而大荒薦飢市無赤米而
困籠空虛其民必移就蒲贏於東海之濱王若今起
師以會奪之利無使失悛夫吳之邊鄙遠者罷而未
至吳王將耻不戰必不須至之會也而以中國之師
與我戰中國國都我遂踐其地其至者亦將不能之會也
己吾用禦兒臨之禦兒越北鄙言吳邊兵若至吾以禦兒之兵臨敵吳王若

大事記解題

卷一

八

愠而又戰幸遂可出若不戰而結成王安厚取名而
去之王曰善乃大戒師伐吳吳王起師軍於江北

松江

江去吳五十里

越王軍於江南越王乃中分其師以爲左右

軍以其私卒君子六千人爲中軍明日將舟戰於江
及昏乃合左軍銜枚沂江五里以須亦令右軍銜枚
踰江五里以須夜中乃命左軍右軍涉江鳴鼓中水
以須吳師聞之大駭曰越人分爲二師將以夾攻我
師乃不待旦亦中分其師將以禦越越王乃令其中

軍銜枚潛步不鼓不譟以襲攻之吳師大北越之左

軍右軍乃遂涉而從之又大敗以沒國語載此戰與吳相接按左

傳後四年越乃圍吳以大夫種始謀考之必姑結成而退至于再舉始圍吳也

晉趙鞅圍衛齊國觀陳瓘救衛

解題曰觀國書之子也瓘田常之兄也田氏雖專國

猶挾舊族以鎮服內外也觀其謂晉致師者之辭真

田常之兄也

楚滅陳

大事記解題

卷一

解題曰朝子西之子武城尹也陳舜之後姓媯氏自

胡公至潛公凡二十三世虞闕父為周陶正以服事

武王武王賴其利器用也以其神明之後也以元女

大姬配其子胡公而封諸陳以備三恪鄭氏詩譜云帝舜後有虞

遇父者為周武王陶正武王封其子媯滿於陳居宛邱之側按前漢地理志陳鄭

之國與韓同星分大姬婦人尊貴好祭祀用史巫故

其俗巫鬼史記年表在前一年今從左氏

公孫般師

解題曰般師襄公之孫也

戎州

解題曰戎之在中國而屬衛者也賈逵曰戎州戎人

之邑

史記正義曰
即滑州南縣

魯哀公會齊平公盟于蒙

解題曰是會也齊侯稽首魯守舊禮不稽首齊一變

至於魯此其驗也

杜預曰東莞蒙陰
縣西故蒙陰城

周敬王四十三年右師皇瑗

大事記解題

卷一

十

解題曰古師宋卿之長也皇者戴之別也

楚公孫寧敗巴師於鄆

解題曰寧子西之子合尹也鄆楚邑也巴人圍鄆故

命寧伐之

杜預云巴國在巴郡江州縣
鄆在今鄆縣南沔水之止

初誅白公沈

諸梁兼二事國寧乃使子西之子寧為合尹子期之

子寬為司馬而老於葉葉公之賢春秋以來數人而

已然觀其與孔子語以攘羊證父為直父子之至恩

大義既不明矣至於僭王無上則舉楚之臣自子文

以降皆莫覺莫悟也先立乎其大者此春秋賢大夫之所同病與

齊陳恒殺鮑氏晏氏及公族之强者割齊安平以東至瑯琊為封邑

解題曰按史記世家田常言於齊平公曰德施人之所欲君其行之刑罰人之所惡臣請行之行之五年齊國之政皆歸田常田常於是盡誅鮑晏及公族之强者鮑雖奴姓亦齊之世臣也而割濟自安平以東至瑯琊自為

大事記解題 卷一

封邑封邑大於平公所食

正義云括地志云安平城在青州臨淄縣東琅琊沂

州也從安平以東萊登沂密等州皆為田常封邑

公族世臣國之幹也樂卻

胥原不微則三家不能分晉國高鮑晏不滅則田氏不能篡齊

秦悼公薨子厲共公立

解題曰秦記書悼公享國十五年生刺龔公刺龔卽

厲共語轉而然耳

秦記蓋秦史之殘闕者今在始皇紀贊後

周敬王四十四年越人侵楚

解題曰以誤吳也

楚公子慶公孫寬

解題曰慶序司馬之上蓋貴者也

楚沈諸梁伐東夷三夷男女及楚師盟

解題曰報越之侵也三夷越之屬也言男女無君長也子高帥師是時猶未老也

冬王崩

解題曰史記年表在前一年今從左氏皇甫謐曰敬

大事記解題

卷一

十一

王四十四年崩與左傳合以踰年改元例之遷元王之元於次年

吳伐楚

解題曰爲越所驕也楚世家是年書吳王夫差彊陵

齊晉來伐楚

周元王元年

解題曰世本作貞王介

齊魯鄭會于廩邱謀伐晉

解題曰按左傳春齊人來微會夏會於廩丘爲鄭故
謀伐晉鄭人辭諸侯杜預曰晉公室卑

史記正義云
括地志云廩

邱城在濮州雷澤
縣北六十五里

殺公子慶忌

解題曰慶忌以勇聞於諸侯世之言慶忌者多異當
以左氏所載爲止

越圍吳

解題曰按國語越王伐吳吳人出而挑戰一日五至

大事記解題

卷一

十三

王欲就之范蠡曰古之善用兵者贏縮以爲常四時
以爲紀無過天極究其所止天道皇皇日月以爲常
明者以爲法微者則是行陽至而陰陰至而陽日困
而壞月盈而匡古之善用兵者因天地之常與之俱
行後則用陰先則用陽後無陰蔽先無陽察用人無
禁往從其所剛柔以禦陽節不盡不死其野彼來從
我固守勿與若將與之必因天地之災又觀其民之
飢飽勞逸以參之盡其陽節盈吾陰節而奪之利宜

爲人客剛強而力疾陽節不盡經而不可取宜爲人
主安徐而重固陰節不盡柔而不可迫凡陳之道設
右以爲牝益左以爲牡蚤晏無失必順天道周旋無
究今其來也剛強而力疾王姑待之王曰諾弗與戰
居軍三年吳師自潰史記世家夫差二十一年越王
勾踐圍吳三十三年十二月丁
卯越滅吳越語下篇所載范蠡之詞多與管子勢篇相出
久勢篇在管
子十五卷辭氣奇峻不類春秋時語意者戰國之
初爲管仲范蠡之學者潤色之然圍之三年以待其

大事記解題 卷一

十四

衰必蠡之謀也

一陰一陽之謂道萬物莫不由之至
百家分裂之後門見竊晚各名其家

此特具
一端也

晉定公薨子出公錯立趙鞅降三年之喪爲期

解題曰錯世家作鑿禮爲君斬衰三年趙簡子始降
之

晉趙簡子卒

解題曰史記年表在貞定王十一年今從左氏

晉趙無恤滅代

解題曰代北狄之別也

世家曰翟代者代之先也

其國在今蔚州

史記年表貞定王十二年書滅代後趙簡子死十九

年按趙世家襄子姊前爲代王夫人簡子能葬未除

服襄子北登夏屋請代王食令宰人以料擊殺代王

遂與兵平代地其姊聞之泣而呼天摩笄自殺代人

憐之所死地名之爲摩笄之山是時襄子猶未除服

當從劉氏外紀蘇氏古史載於此襄子聞新穉狗之

勝而能戒念伯魯之廢而傳國於其子可謂有君子

大事記解題

卷一

十五

之資矣至於夏屋之役行而虎狼獨何歎蓋生於兼

并無親之國而承簡子貪暴之規摹遂以爲臨大利

決大計非用仁義之所也悠悠千載同階一見豈不

哀哉

蜀人聘秦

解題曰蜀見於牧誓地與秦接秦記書蜀人來輅輅

卽聘也聘必有幣也秦用夷不能盡行聘禮故其國

史凡聘皆謂之輅

晉荀瑤

解題曰瑤智伯也

周元王二年越人聘魯

解題曰杜預曰越既勝吳欲霸中國遂遣使適魯

周元王三年越人納邾隱公

解題曰隱公邾子益也桓公益之太子也隱公以敬

王三十三年為吳所囚使其大夫奉太子革以為政

三十五年隱公奔齊至是自齊奔越曰吳為無道執

大事記解題 卷一

父立子越人歸之桓公奔越

越滅吳

解題曰吳姬姓自太伯至夫差二十五世前漢地理

志吳地斗分壘也

周禮保章氏以星主辨九州之地所封封城皆有分星以觀妖祥其

法亡矣今所謂十二次蓋戰國言星者以當時所有之圖分配之耳

會稽九江丹陽豫

章廬江廣陵六安臨淮地盡吳分也吳粵之君皆好

勇故其民好用劍輕死易發

越會諸侯徐州

解題曰徐州卽舒州也史記正義曰音舒其字從人
越王勾踐已平吳乃以兵北渡淮與齊晉諸侯會于

徐州

賜越子胥

解題曰胙祭肉也齊桓祭邱之禮也杜預曰尊之比

二王後

越以江北地與楚魯宋

解題曰越王勾踐已會渡淮而南以淮上地與楚是

大事記解題 卷一

七

時越已滅吳而不能正江淮北楚東廣地至泗上

史記

正義曰泗上徐州地按劉氏外紀越王索卒于楚而
攻晉左史倚相謂楚惠王曰越已破吳豪士死銳卒
盡大甲傷索兵攻晉示我病也不如起師與之分吳
惠王曰善起師從之越王怒將擊楚文種曰我憊矣
與戰必不克不如輅之乃制
露山之西五百里以與楚 又與魯泗東方百里歸

吳所侵宋地于宋越兵橫行于江淮東諸侯畢賀號

稱霸王

范蠡遊五湖

解題曰按史記國語范蠡與勾踐深謀二十餘年竟

滅吳北渡兵于淮以臨齊晉反國蠶以爲大名之下
難以久居且勾踐可與同患難與處安反至五湖辭
於勾踐曰君王勉之臣不復入越國矣勾踐曰不穀
疑子之所謂者何也對曰臣聞之爲人臣者君憂臣
勞君辱臣死昔者君王辱于會稽臣所以不死者爲
此事也今事已濟矣蠶請從會稽之罰勾踐曰所不
掩子之惡揚子之美者使其身無終没于越國子聽
吾言吾與子分國不聽吾言身死妻子爲戮范蠡對
曰臣聞君子俟時計不數謀死不被疑內不自欺臣
旣逝矣妻子何法乎王其勉之臣從此辭乃乘扁舟
出三江入五湖人莫知其所適范蠡旣去越王愀然
變色召大夫種曰蠡可追乎種曰蠡去時陰晝六陽
晝六三日前之神莫能制者玄武天空威行孰敢止
者度天關紗天梁後入天一前翳神光言之者死視
之者狂臣願大王勿復追也蠶終不還矣越王乃收
其妻子封百里之地有敢侵之者上天所殃于是越

王乃使良工鑄金象范蠡之形置之坐側
周貞定王三年魯哀公及越后庸盟于平陽

解題曰左傳曰越子使后庸來聘且言邾田對於駘

上杜預曰魯國番縣東南有目台之亭二月盟於平陽杜預曰高平有南平陽縣三

子皆從康子病之言及子贛曰若在此吾不及此夫

杜預曰恥從蠻夷盟

還 晉荀瑤帥師伐鄭次於桐邱齊陳恒帥師救之晉師乃

還

大事記解題 卷一

解題曰桐邱杜預曰潁川許昌縣東有章邱亭觀左

傳所載田常軍政之明師律之嚴拊循士卒之厚豈

所謂盜亦有道與

秋八月魯哀公將以越伐魯而去三桓甲戌出奔越魯

人立其子悼公寧

解題曰勾踐時號霸故哀公依之勾踐卒史失其年

意者在此後歟顏瀆蘇氏曰子貢言哀公不沒于魯

而史記稱哀公自越歸卒於有山氏歸於有山氏而

不歸國事未可信也自是迄於秦始皇之世月日月
不可考間有可見者則書之

周貞定王二年魯悼公元年

解題曰史記世家曰悼公之時三桓勝魯如小侯昇
於三桓之家年表三年書悼公改元今從稽古錄書
於是年

周貞定王五年荀瑤耻趙無恤

解題曰知趙之隙自此始

大事記解題卷一

二

周貞定王八年秦伐大荔取其王城

解題曰大荔戎之別種也徐廣曰今之臨晉也按何

奴傳岐梁山涇漆之北有義渠大荔烏氏駒衍之戎

外紀曰是時義渠大荔最
張築城數十皆自稱王

杞哀公薨

解題曰哀公卽闕路也

周貞定王十一年晉出公奔齊道死荀瑤立昭公會孫

驕

解題曰驕哀公也按世家哀公大父雍晉昭公少子也號爲戴子戴子生忌忌善知伯早死故智伯乃立忌子驕爲君當是時晉國政皆決知伯晉哀公不得有所制世家載出公十七年出奔年表貞定王十三年始書晉哀公改元蓋出公今年出奔明年道死又明年哀公始卽位改元也

晉荀瑤滅夙繇

解題曰夙繇狄國也

戰國策智伯欲代去由遺之大鐘載以廣車因隨入以兵去由

大事記解題

卷一

三

卒七高誘曰去由狄國去由卽夙繇也

智伯欲攻夙繇而無道鑄大鐘

方車二軌以遺之夙繇之君斬岸烟谿以迎鐘赤章蔓枝諫曰智伯貪而無信欲攻我而無道今師必隨之君曰大國爲懼而子逆之不祥赤章蔓枝曰爲人臣不忠貞罪也忠貞不用遠身可也斷轂而行至齊七月而夙繇亡外紀載於此年今從之

周貞定王十二年晉荀瑤襲衛

解題曰失其年國語序藍臺之宴云還自衛姑載於

此未必果此年也戰國策曰智伯欲伐衛遺衛君野馬四百白璧一辟臣皆賀南文子有憂色曰此小國之禮而大國致之君其圖之衛君以其言告邊境知伯果起兵襲衛至境而反曰衛有賢人先知吾謀也已而又欲襲衛亡其太子使奔衛南文子曰太子顏甚有寵亡必有故使人迎之于境曰車過五乘慎勿納知伯乃止南文子公孫彌牟也

晉三卿宴於藍臺

大事記解題

卷一

五

解題曰國語曰還自衛三卿宴於藍臺知襄子戲韓康子而侮段規知國聞之諫曰主不備雖必至矣曰難將由我我不爲難誰敢與之自是五年乃有晉陽之難襄子者荀瑤旣滅而其臣私諡之也康子者韓宣子之曾孫虎也段規者又韓子之相也

周貞定王十三年晉哀公驕元年

解題曰年表作忌

秦武城

解題曰史記正義曰括地志云武城在華州鄭縣東北十三里

齊平公薨子積立是爲宣公田成子卒子盤立

解題曰田成子陳恒也春秋謂之陳史記謂之田蓋

自春秋後遂稱田氏也盤相齊宣公宣公名年表作

就匝盤世本作班

周貞定王十六年晉荀瑶與魏駒韓虎圍趙無恤于晉

陽

大專記解題 卷一

三

解題曰魏駒魏桓子也司馬貞索隱曰世本襄子生

桓子駒晉陽漢太原郡所治龍山在西北晉水所出

北齊分晉陽置龍山縣隋開皇十年改龍山曰晉陽

而以古晉陽縣爲太原縣隋唐地理志所謂晉陽縣乃古龍山縣所謂太原縣

乃古晉陽縣 自北漢劉氏以前郡治太原晉陽二縣太平

興國四年王師下北漢徙州治陽曲縣本漢狼孟縣地而空

其故城按史記戰國策通鑑外紀知伯益驕請地韓

魏韓魏與之又求蔡臯狼之地於趙趙以圍鄭之辱

不與知伯陰結韓魏將伐趙趙襄子召張孟談而告

之張孟談曰董安于世治晉陽而尹鐸循之戰國策尹鐸作

尹鐸字之誤也主其定居晉陽襄子乃奔保晉陽三家之兵

圍晉陽決晉水而灌之趙世家作汾水圍三年城不浸者三

板皇極經世乙酉年書知韓魏攻趙襄子于晉陽蓋據此也襄子使張孟談與韓

魏合謀三月丙戌三國反攻知氏殺知伯於鑿臺之

上鑿地作渠以灌晉陽因聚土為臺而止其上共分其地段規謂韓康子

曰分地必取成臯康子曰成臯石溜之地也寡人無

大事記解題 卷一

所用之段規曰不然臣聞一里之厚而動千里之權

者地利也干人之衆而破三軍者不意也君用臣言

則韓必取鄭矣康子曰善果取成臯至韓之取鄭也

果從成臯始趙襄子行賞高共徐廣曰一作赫無力而受上

賞功臣皆怒襄子曰方晉陽急羣臣皆懈唯共不敢

失人臣禮是以先之張孟談既固趙宗告襄子曰五

霸之所以致天下者主勢能制臣無令臣能制主故

貴為列侯者不合在相位自將軍以上不為近大夫

今臣之名顯而身尊權重而眾服臣願捐功名去權勢以離眾襄子恨然曰何哉者聞輔主吾名顯功大者身尊任國者權重此先聖之所以集國家安社稷乎子何爲然張孟談對曰臣觀成事聞往古臣主之權均能美未之有也君若弗圖則臣力不足愴然有決色乃納地釋事而耕于負親之邱知伯之臣豫讓刺趙襄子不克見殺於是趙北有代南并知氏彊於

韓魏

大事記解題

卷一

五

齊田盤使其宗人盡爲都邑大夫與三晉通使

解題曰三晉魏趙韓也按史記三晉殺知伯分其地襄子使其兄弟宗人盡爲齊都邑大夫與三晉通使且以有齊國

晉趙氏使新稚狗伐狄

解題曰按國語列子外紀趙襄子使新稚穆子伐狄勝之取左人中人遽人來告襄子方食而有變色侍者曰狗之事大矣而主之色不怕何也襄子曰夫江

河之大也不過三日飄風暴雨不終朝日中不須臾
今趙氏之德行無所積一朝而兩城下亡其及我哉
君子曰趙氏其昌乎夫憂者所以爲昌也喜者所以
爲亡也勝非其難者也持之者其難者也唯有道之
主爲能持勝外紀載于此年今從之

周貞定王十七年晉知開奔秦

解題曰開荀瑤之族也荀以自晉以來或謂知氏按
年表晉大夫知開率其邑人來奔

大事記解題

卷一

五

周貞定王十八年秦左庶長城南鄭

解題曰史失其名庶長秦官見左傳魯襄公十一年
按秦記秦庶長弗忌威累參父三人率賊賊出于是
歲乃周桓王二十二年魯桓公十四年則秦有此官
久矣秦楚變於戎狄不用周禮故官名異於他國

周貞定王二十一年晉知寬奔秦

解題曰按年表晉大夫知伯寬率其邑人來奔知伯
既滅六年而寬始率邑人奔秦或者守別邑而未下

若燕將守聊城之類與

周貞定王二十二年楚滅蔡

解題曰蔡叔度周文王之子武王封於蔡

世本曰蔡叔度

公放蔡叔舉其子胡為魯卿士魯國治於是周公言

於成王復封胡於蔡

宋忠曰胡徙居新蔡

自蔡仲至侯齊凡二

十四世侯齊四年楚惠王滅蔡蔡侯齊亡蔡遂絕祀

後陳滅三十一年太史公曰管蔡無足載者然周

王崩成王立天下既疑賴同母之弟成叔冉季之屬

大事記解題

卷一

一毛

十人為輔拂是以諸侯卒宗周故附之世家言

自春秋後

迄于秦滅凡史記本紀本譜本世家本傳所載並不稱搜其書若出于它紀它書它世家它傳者稱按某

書雖出本紀本傳有所辨正者亦標所出

周貞定王二十四年楚滅杞

解題曰杞東樓公者夏后海之後周武王克殷封之

於杞

宋忠曰杞今陳留雍邱縣

自東樓公至簡公春凡十九世楚

惠王滅之世家曰舜之後周武王封之陳至楚惠王

滅之禹之後周武王封之杞楚惠王滅之契之後為

殷殷破周封其後於宋齊湣王滅之后稷之後爲周
秦昭王滅之臯陶之後或封英六楚穆王滅之伯夷
之後至周武王復封于齊曰太公望陳氏滅之伯翳
之後至周武王時封于秦項羽滅之垂益夔龍其後
不知所封右十一人者皆唐虞之際名有功德臣也
其五人之後皆至帝王餘乃爲顯諸侯潁濱蘇氏曰
杞宋皆天子之事守也蓋禮樂車服在焉故孔子曰
夏禮吾能言之杞不足徵也殷禮吾能言之宋不足
徵也文獻不足故也宋雖不足徵然春秋之際晉楚
大國有所不足未嘗不問焉如杞遂至于用夷無足
言者昔孔子學官名於鄉子鄉至微矣而其先王之
遺文於諸侯爲詳孔子之於夏禮蓋猶有考於杞與
而國無君子不能自列悲夫

楚與秦平

解題曰乎者常不平也按秦年表厲共公十四年初
楚人來轅是後不書相侵伐蓋史失之

大事記解題

卷一

周貞定王二十五年秦伐義渠

解題曰按外紀秦伐義渠虜其王是時韓魏共滅尹

洛陰戎其遺脫者皆走西踰汧隴自此中國無戎寇

唯餘義渠種焉

周貞定王二十八年考王封其弟揭於河南是為河南

桓公

解題曰河南即郟周武王遷九鼎周公營以為都

是為王城

水經注云河南縣故郟地也京相璠曰郟山名郟地邑也周書稱周公將致政乃

王

大事記解題 卷一

作大邑城周于中土南擊于洛水北因于郟山以為天下之大秦其城東南名曰鼎門蓋九鼎所從入也

穀水東經國子堂漢魏以來置大學于國子堂東 洛誥所謂我乃卜澗水東

澗水西惟洛食者也洛陽周公營下都以_是為頑民

是為成周

水經注云其城方七百二十里

洛誥所謂我又卜澗水東

亦惟洛食者也

孔子序洛誥曰周公注營成周則成周乃東都總在河南城周之王城也

洛陽成周之下都也王成非天子時會諸侯則虛之下都則保釐之大臣所居治事之地周人朝夕受事

習見既久遂獨指以為成周矣

平王東遷定都於王城王子朝之亂

其餘多黨在王城敬王畏之徙都成周至是考王以

王城故地封其弟桓公焉稽古錄謂桓公爲東周桓公非也平王東遷之後所謂西周者豐鎬也所謂東周者東都也威烈王之後所謂西周者河南也所謂東周者洛陽也河南桓公之時雖未有東西周之名推本而言之謂之西周桓公則可矣何以稱河南爲西周自洛陽下都而視王城則在西也何以稱洛陽爲東周自河南王城視下都則在東也君陳畢公尹殷民蓋在下都之地命書皆謂之東郊則下都在王

大事記解題 卷一

三

城之東明矣

世本曰西周桓公名揭居河南東周惠公居洛陽

秦南鄭反

解題曰水經漢水東過南鄭縣南鄭道元注者舊傳

云南鄭之號始於鄭桓公桓公死于犬戎其民南奔

故以南爲稱卽漢中郡治也

郡因水名

按本紀秦惠王始

取楚漢中置漢中郡今縣公之時書南鄭反豈此

之往來不常先嘗屬秦與今屬興元府

周考王二年晉哀公薨子幽公柳立

解題曰按晉世家哀公十八年卒年表貞定王十三年書晉哀公元年以年數之哀公之卒當在今年正月踰年改元之例則幽公當以明年改元而年表乃書考王四年蓋是時晉既衰微記載之不能詳也年表書鄭幽公改元蓋亦然

周考王四年絳曲沃

解題曰杜預曰新田絳卽平陽絳邑縣故絳乃平陽絳邑縣西絳邑城曲沃河東聞喜縣

大事記解題

卷一

三

周考王六年日有食之

解題曰失其月

周考王九年楚子薨子中立

解題曰楚子惠王也中簡王也

周考王十年楚滅莒

解題曰楚世家簡王元年北伐滅莒杜氏釋例曰莒國嬴姓少昊之後也周武王封茲與期於莒今城陽莒縣是也

卽密州莒縣

世本自紀公以下爲己姓不知誰

賜之也十一世茲丕公始見春秋共公以下微弱不復見矣四世楚滅之

魯悼公薨

解題曰史記年表書於十二年今從稽古錄

周考王十二年秦躁公薨弟懷公立

解題曰秦記曰懷公從晉來享國

周考王十五年西周惠公封其少子班于鞏以奉王寶

東周惠公

大事記解題 卷一

三

解題曰此東西周分之始也初考王封其弟於河南是爲河南桓公桓公卒子威公立威公卒子惠公立

河南惠公復自封其少子於鞏以奉王號東周少子沒亦

諡惠公蓋父子同諡也自河南桓公續周公之職而秉攻二世

益專所以別封少子使奉王者殆欲獨擅河南之地而不復奉王歟前漢地理志曰鞏東周所居非也東周者指威烈王所居之洛陽也鞏班之采邑也世本曰東周惠公名班居洛陽是班秉攻於洛陽而采邑

則在鞏安得遂指鞏爲東周乎當是時東西周雖未
分治然丁南惠公既號奉王者爲東周亦必自號爲

西周矣

周威烈王元年晉趙襄子卒以兄伯魯之孫獻子浣爲
後徙治中牟

解題曰趙簡子捨其長子伯魯而立襄子襄子以伯
魯之不立也不肯立子必欲傳位與伯魯子代成君
成君先死乃取代成君子浣立爲太子穎濱蘇氏曰

大事記解題

卷一

三

今之中牟非趙地春秋傳曰衛侯如晉過中牟蓋趙

自有中牟耳

汲冢書曰齊師伐趙東鄙圍中牟。史記正義曰此中牟在河北非鄭之中牟

也管子云狄滅邢衛齊築五鹿中牟鄴以衛諸夏按五鹿在魏州元城縣東十二里鄴卽相州滂陽縣西五十八里有牟山蓋中牟邑在此山側也後云魏欲通平邑中牟之道亦在牟山之側也

秦庶長毘弑懷公國人立其孫

解題曰庶長毘與大臣圍懷公懷公自殺懷公太子

曰昭子蚤死大臣乃立太子昭子之子是爲靈公秦

記作肅靈公云居涇陽

鄭共公薨

解題曰按世家共公在位三十年薨當在此年而年表於威烈王三年始書幽公改元必有一誤今兩存之

晉趙康子卒子武子啟章立

解題曰正義曰世本云武子名啓章

周威烈王二年晉趙^桓桓子卒國人殺其子迎獻子復位

解題曰桓子自立一年卒國人曰桓子立非襄子意

大事記解題 卷一

三四

乃共殺其子而復迎立獻子

周威烈王四年秦作上下時

解題曰秦襄公既侯居西垂自以爲主少皞之時作

西時祭白帝後十六年秦文公作酈時祭白帝後八

十四年秦宣公作密時於渭南祭青帝後二百五十

年秦靈公作上下時於吳陽上時祭黃帝下時祭炎

帝六國表曰太史公讀秦記至犬戎敗幽王周東徙

洛邑秦襄公始封爲諸侯作田時用事上帝僭端見

矣禮曰天子祭天地諸侯祭其域內名山大川今秦
雜戎翟之俗先暴戾後仁義位在藩臣而臚於郊祀
君子懼焉

周威烈王六年盜殺晉幽公魏斯誅亂者

解題曰幽公淨婦人夜竊出邑中盜殺幽公魏文侯
以兵誅晉亂立幽公子止年表書魏誅晉幽公蓋有
由也

晉魏氏城少梁

大事記解題卷一

三

解題曰城少梁而居之也至惠王十七年少梁爲秦
所取因徙都大梁焉

秦城塹河濱

解題曰以備晉也

秦初以君甥妻河

解題曰用諸河以求福也戎狄之俗也魏文侯使西
門豹爲鄴令鄴民苦歲爲河伯娶婦豹始禁之正與
此同時魏與秦鄰意者染秦俗歟

索隱君甥作君主
謂初以此年取他

女爲君主
猶公主也

周威烈王十年晉趙氏城平邑

解題曰水經注竹書紀年晉烈公四年趙城平邑

河故

濱又東北逕昌樂縣故城東又東北逕平邑郭西又東北逕元城縣故城西北而至沙邱壘蓋在濮東郡魏郡之間也世家趙厭侯十三年城平邑乃威烈王十五年

周威烈王十一年籍姑

解題曰史記正義云括地志云在同州韓城縣北三

十五里

大事記解題 卷一

美

秦靈公薨國人廢其子獻公而立其季父簡公

解題曰簡公懷公子而昭子之弟也秦記曰簡公從

晉享國

周威烈王十二年中山武公初立

解題曰按左傳昭公十二年八月晉荀吳假道於鮮

虞滅肥是冬晉復伐鮮虞杜預曰鮮虞白狄別種在

中山新市縣中山名見於傳蓋始於此及定公四年

晉合諸侯於召陵謀爲伐蔡楚荀寅曰諸侯方貳中

山不服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其勢益強遂建國備諸侯之制與諸夏侘歟索隱曰中山古鮮虞國姬姓也徐廣曰中山武公周定王之孫西周桓公之子古史謂周衰已甚安能使子弟據中山乎其說是也或者徐廣徒聞中山姬姓遂傳會其世系歟

周威烈王十三年齊田白伐晉毀黃城圍陽狐

大事記解題 卷一

三

解題曰白襄子之子莊子也外紀曰襄子盤莊子白

皆相宣公世家作陽狐

史記正義曰括地志云故黃城在魏州寇氏縣南十里陽

狐郭在魏州元城縣東北三十二里

秦與晉戰敗鄭下

解題曰秦師敗也

晉河岸崩壅龍門至於底柱

解題曰按水經河水南過河東北屈縣西

注河南孟門山呂氏

春秋曰龍門未闢呂梁未發河出孟門大溢逆流名曰鴻水大禹疏通謂之孟門孟門即龍門之土口也

河水又南過皮氏縣西又南出龍門口

注昔大禹導河積石疏決

梁山卽經所謂龍門也崩騰萬尋縣流萬丈迄於下口慎子云下龍門非馴馬之迅也在今河中府龍門

縣河久又南過汾陰縣蒲坂縣又南至華陰潼關河

水又東過河北縣湖縣陝縣大陽縣又東過砥柱間

注砥柱山名也禹治洪水破山以通河河水分流包山而過山見水中若柱然故曰砥柱五穿旣決水流

陳分亦謂之三門山在號城東北太陽城東今屬陝州陝縣太陽卽上陽也春秋後河患

見於史傳者始於此漢待詔賈讓曰隄防之作近起

戰國壅防百川各自以利齊與趙魏以河爲境趙魏

大事記解題

卷一

三

潁山齊地卑下作隄去河二十五里河水東抵齊隄

則西泛趙魏趙魏亦爲隄去河二十五里雖非其正

水尚有所遊盪時至而去則瀆淤肥美民耕田之或

久無害稍築室宅遂成聚落大水時至漂沒則更起

隄防以自救稍去其城郭排水澤而攻之湛溺其自

宜也戰國之時河水潰圯隄岸如今岸所書者蓋亦

無幾至於秦漢已後河始爲世大患賈讓之論可謂

究其本末矣

周威烈王十四年替及安陽

解題曰世家作伐魯葛及安陵

史記正義曰後魏地
形志云己氏有安陽

城今宋州縣西北四
十里安陽故城是

晉魏斯使其子擊圍繁龐

解題曰擊文侯之子武侯也繁龐史失其國

史記正義曰蓋

在司
川

周威烈王十五年齊田白伐魯取一城

解題曰年表書伐魯取都都卽城也

大事記解題 卷一

五

齊田莊子卒子和立

解題曰和田太公也史記索隱曰按汲冢紀年曰莊

子卒謂年立田悼子悼子卒乃次立田和是莊子後

有悼子益立年無幾所以世本及史記不得錄也

周威烈王十六年命晉韓啓章趙浣伐齊入長城

解題曰按外紀王命韓趙伐齊入長城是時三晉自

通王室亦如列國特未賜命耳後漢志濟北國有長

城至東海史記蘇代說燕王曰齊有長城巨防巨防

卽防門在平陰

魯元公薨子顯立

解題曰索隱曰世本作衍

周威烈王十七年魯穆公元年

解題曰年表在威烈王十九年以世家元公在位之年計之當從稽古錄書於此年

魯穆公尊事孔伋

解題曰伋子思也淳于髡曰魯穆公之時公儀子爲

大事記解題

卷一

早

政子柳子思爲臣魯之削也滋甚質諸孟子皆非是穆公亟見于子思曰古千乘之國以友士何如子思不悅曰古人有言曰事之云乎豈曰友之云乎是穆公欲友子思而不可得也况敢臣之乎以臺無餽之事觀之悅賢不能舉又不能養無惑乎魯之削也穆公雖不能終用于思然尊賢尙德之意當時所罕見公儀子之勤儉亦得相小國之道以魯之弱崎嶇強暴之間竟能與戰國相終始未必非其君相之力也

通鑑載孔叢子子思言苟變於衛侯以下三章於安
王二十五年是歲慎公之三十八年也去孔子没百
有三年子思逮事孔子
恐未必至是時尙存

中庸

解題曰按鄭氏禮記目錄中庸孔子之孫子思伋作

之

孔叢子載子思年十六適宋宋大夫樂朔圍子思

子思既免撰中庸之書四十九篇未冠既非著書
之時而中庸之書亦不應有四程氏曰中庸之書是
十九篇也此蓋戰國流傳之妄

孔門傳授成於子思傳於孟子子思恐傳授漸失故

著此書

大事記解題

卷一

聖

秦初令吏帶劍

解題曰佩玉三代也佩劍秦也秦與三代之分無他

觀其所佩而已矣秦記七年又書百姓初帶劍

晉魏斯伐秦築臨晉元里

解題曰臨晉按前漢地理志故大荔秦滅之更名臣

瓚曰舊說秦築高壘以臨晉國故曰臨晉元里失其

地皆魏文侯伐秦所取築而守之也秦孝公所謂厲

躁簡公出子之不寧三晉攻奪我河西地此類是也

史記正義曰臨者故城在同州馮翊縣西里二里元里故城在同州登城縣界

周威烈王五十八年晉魏斯使樂羊伐中山克之

解題曰按史記戰國策韓詩外傳古史樂羊攻中山

其子在中山懸之以示羊羊不顧中山烹而遺之羹

羊啜之盡一杯中山知其忍下之文侯賞其功而疑

其心

外紀云魏文侯常借道於趙攻中山趙不許趙利口魏攻中山而不能取則魏罷而趙重魏拔

中山必不能越趙而守是用兵者魏而得地者趙也君不如許之彼知君利之必將輟行君不如借之道

而示不文侯愛少子擊使太子擊守中山趙倉唐傅得已也

大事記解題

卷一

壘

之居三年往來之使不通倉唐使於文侯以詩諷之

文侯乃出少子擊封之中山而復太子擊及文侯子

武侯之世趙世家書與中山戰於房子是時蓋已復

國其後與諸侯並稱王則其勢又強矣意者若鄭莊

公克許雖有其地而不絕其祀所以能復興歟索隱

之說亦然

洛城重泉

解題曰洛城失其地重泉屬馮翊

史記正義曰括地志云重泉故城在

同州蒲城縣東南四十五里

本紀書於七年五卷云不於隰

齊田和伐魯取成

解題曰成孟氏之邑也史記作邾

史記正義曰括地志云故邾城在兗

州泗水縣西北五十里

秦初租禾

解題曰秦不用周禮所謂初租禾者變其國之舊制

耳其增其損不可知也

鄭雒陰合陽

大事記解題

卷一

聖

解題曰鄭蓋長安之鄭乃桓公所始封非新鄭也合

陽卽馮翊之郃陽雒陰史記正義曰雒漆沮水也雒

陰城在水南郃陽郃水之北括地志云郃陽故城在

同州河西縣南三里雒陰在同州西

楚子薨子當立

解題曰當楚聲王也

史記正義曰當楚聲王也

晉韓虔伐鄭取雍邱

解題曰虔韓景侯也雍邱史記正義云今汴州縣也

地理志古杞國

鄭城京

解題曰以備韓也京叔段之邑也

史記正義曰括地志云京縣故城在

鄭州滎陽縣東南二十里

周威烈王十九年負黍

解題曰史記正義曰括地志云在洛州陽城西三十

七里今屬河南府

母邱

大事記解題

卷一

四

解題曰史記正義曰母音貫括地志云古貫城卽古

貫國在曹州濟陰縣南五十六里

晉魏斯好賢師卜商友段干木敬田子方

解題曰按史記文侯授子夏經藝客段干木過其閭

未嘗不式也史記又以田子方爲文侯師說苑載翟

璜謂田子方曰公孫成進子夏而君師之進段干木

而君友之進先生而君敬之蓋得其實吳起西門豹

皆翟璜所進也吳起始事曾子母死不歸曾子薄之

乃學兵法以事魯君齊人攻魯起妻齊女乃殺之以
求將大破齊師魯君疑之去事文侯文侯以爲將擊

秦拔五城乃以爲西河守以拒秦李悝曰上地守一

合曰人有狐疑之訟合射的中者勝不中者負令下

而人皆習射及與秦人戰大敗之外紀載李悝事於威烈王十四年今

并見文侯以鄴爲憂任西門豹守鄴而河內稱治索隱

於此曰河在鄴東改名鄴爲河內
史記正義曰卽相州鄴縣

魏李悝作盡地力之教及平糶法又著法經六篇

大事記解題 卷一

墨

解題曰按前漢晉志杜佑通典李悝爲魏文侯作盡

地力之教以爲地方百里提封九萬頃除山陵園林

二分去一爲田六百萬畝治田勤謹則畝益三斗不

勤則損亦如之地方百里之增減輒爲粟百八十萬

石又曰糶甚貴傷民民謂工商甚賤傷農民傷敗離敗農

傷則國貧善平糶者必謹觀歲有上中下孰上孰其

收自四餘四百石上糶三而舍一張晏曰平歲自畝收百五十石今大

孰四倍收六百石計民食終歲餘四百石官糶三百石此爲糶三舍一也中孰自三餘三

百石上糴二而舍一下熟自倍餘百石上則糴一

張

日謂分中使民適足賈平則止小饑則發小孰之所

歛中饑則發中孰之所歛大饑則發上孰之所歛而

糴之

文侯出遊見路人反裘而負芻文侯問之對曰吾愛其毛文侯曰若不知其裏盡而毛無所持

耶明年東封上計其入三倍有司請賞其吏解扁文無曰此無異反裘而負芻者吾地不加廣民不加衆而錢布三倍何也解扁曰以冬伐木春浮河而鬻之文侯曰民春耕暑耘以秋收斂惟冬無事乃伐木而積之負輒而浮之河是民不得休息也民已弊矣雖入三倍將焉用之文侯愛民如此李悝之法所以能行也又撰次諸國法著法經以爲攻莫急於盜賊故始

大事記解題

卷一

吳

於盜律賊律盜賊須劾捕故著囚捕二篇其輕狡越域博戲借假不廉淫侈踰制以爲雜律一篇終以具律具其加減凡六篇商君受之以相秦具律今之名例律也

周威烈王二十一年晉魏氏以公孫成爲相

解題曰成文侯之弟魏成也文侯召李克卜相曰今所置非成則璜二子何如克曰居視其所親達視其所舉克出過翟璜璜曰果誰爲之克曰趙成子爲相

矣璜曰臣何負於魏成子克曰魏成子以食祿千鍾
什九在外什一在內是以東得卜子夏田子方段干
木子安得與魏成子比乎克亦翟璜所進也

齊田會以廩邱叛田氏

解題曰史記齊年表世家皆書田會以廩邱反會非
叛齊也叛田氏也

晉趙氏以公仲連爲相

解題曰趙烈侯好音謂相國公仲連曰鄭歌者搶石

大事記解題

卷一

畢

二人賜之田人萬畝公仲曰諾不與烈侯累問公仲

稱疾不朝番吾君謂公仲曰君實好善而未知所持

君相趙於今四年亦有進士乎曰未也番吾君曰牛

畜荀欣徐越皆可公仲乃進三人乃朝烈侯復門歌

者田公仲曰方使擇其善者牛畜待烈侯以仁義約

以王道明日荀欣侍以選緣舉賢任能使明日徐

越侍以節財歛用察度功德所與無不克君說使使

謂相國曰歌者之田且止相國非當時之官後人追

書也年表書此事於威烈王二十四年以番吾君之
言逆數公仲初相之歲當載於此

大事記解題

卷一

吳

大事記解題卷一終

大事記解題卷二

宋 東 萊 呂 祖 謙 伯 恭 撰

周威烈王二十三年九鼎震

解題曰九鼎大禹所鑄三代所傳王室之大寶鎮也是歲大夫篡盜受王命者三國蓋天下之大變也九鼎安得不震乎天下之戰國七秦變於戎者也楚變於蠻者也燕變於俠者也魏趙韓齊皆大夫竊國者也今一旦而頓命其三焉三代之禮樂刑政自是而

大事記解題 卷二

廢古先聖賢之後周室所褒封者自是而盡遊士盜賊自是而橫行人國人事之變如此天地之氣豈得不爲之動哉天人之際可謂無間矣所以告人者可謂深切著明矣

魏斯趙籍韓虔爲諸侯

解題曰此司馬氏通鑑之所始也稽古錄曰先是大夫之專國者多矣未有敢自君者至是三大夫始受天子之命禮之紀綱盡矣自此卷以後凡事之本末

當求之通鑑訓釋名義參考同異蒐補缺遺當求之

字題本末全在通鑑者解題更不重出通鑑雖已載

角是解題間有訓釋參考或通鑑未備解題間有增
補者本末皆書餘見通鑑所記
大事不在通鑑者各標所出書

楚聲王圍宋

解題曰自是楚皆書王按曰春秋慎勢篇莊王圍

宋九月康王圍宋五月聲王圍宋十月楚三圍宋矣

而不能亡莊王康王皆在大事記前聲王事今附於

聲王弑之前一年

大事記解題

卷二

二

周威烈王二十四年國人立其子類

解題曰楚悼王名年表作類世家作熊疑類者通中

國之名也熊疑者蠻夷之名而稱於其國者也楚之

君世以熊爲名蓋蠻夷之俗如靈王名熊虔而春秋

止書虔不以蠻夷之語通中國也世家書楚之諸君

昭王之名軫惠王之名章是舉其通中國之名也悼

王之名熊疑宣王之名熊良夫是舉其蠻夷之名也

蓋互見之也

周安王二年桑邱

解題曰年表作桑邱世家作乘邱

陽翟

解題曰史記正義曰括地志云陽翟屬潁州郡夏禹

之國

周安王三年魏號山崩

解題曰在弘農陝縣故號國史記書於魏年表世家

是時屬魏也

大事記解題

卷二

三

楚歸榆關

解題曰歸者昔取之而今歸之也

史記正義曰榆關在鄭之南大梁之

西

周安王四年楚伐鄭敗鄭師圍鄭鄭縉公殺其相駟子

陽

解題曰駟氏鄭舊族也楚年表書敗鄭師圍鄭鄭人

殺子陽蓋殺子陽以說也前年楚方歸榆關於鄭今

年乃圍之意者子陽干犯大國而見討與子陽專國

諸子或謂之君繻公之微弱能殺之何也蓋平日很暴積怨於民至於因大國之討以發其怒名爲君討實則民殺之耳故列子謂民作難而殺子陽世家書楚伐周鄭殺子陽以鄭爲周字之誤也

列禦寇李耳楊朱墨翟

解題曰耳老子也孔子嘗問禮焉今載於曾子問者與五千言殊不類蓋告孔子者其所職著於書者自其所見也列子不受鄭子陽粟是與子陽同時今附

大事記解題

卷二

四

於此列子多引黃帝書蓋古之微言傳久而差者也立此一章今見於老子此戰國秦漢以來所以多喜並言黃帝老子而謂之黃老也孔子定書而始堯典其有以哉以列子所載楊朱遇老子老子中道而嘆一章觀之則朱受學於老子不疑朱之言見於外篇者固多後人所附益爲我之說亦畧可見矣史記謂墨翟或曰並孔子時或曰在其後雖不可考然楊墨之說肆行於天下必在春秋後蓋異端之說非王教

盡廢不能興也

周安王五年盜殺韓相俠累

解題曰盜聶政也按史記韓世家烈侯三年聶政殺韓相俠累十三年烈侯卒子文侯立文侯十年卒子哀侯立六年韓嚴殺其君哀侯是聶政之刺俠累與哀侯之弑相去遠矣而聶政傳乃謂嚴仲子事韓哀侯與韓相俠累有郤嚴仲子恐誅亡去居魏使政刺俠累與世家不合蓋其事偶同故刺客傳誤以為哀

大事記解題 卷二

五

侯之時耳

戰國策曰東孟之會韓王及相皆在焉聶政刺韓傀兼中哀侯又曰東孟之會聶政

刺相兼中哀侯許異薨哀侯而殫之是故哀侯為君而許異終身相焉考之世家哀侯既殺其子懿侯卽立許異將誰相哉俠累既死烈侯猶在其位十年謂之終身相之可也然則東孟之會聶政刺相兼中其君乃烈侯三年之事但戰國策誤以為哀侯耳

周安王七年繇諸

解題曰繇諸西戎之別也

周安王九年魏伐鄭城酸棗

解題曰取鄭地而城之也

史記正義云括地志云酸棗故城在滑州酸棗縣四

十五里古駁
棗縣南也

注

解題曰司馬彪曰河南梁縣有注城

周安王十一年宣陽

解題曰史記正義曰括地志云宣陽在洛州福昌縣

東十四里

齊田和徙其君康公於海上

解題曰按田敬仲世家齊康公立十四年淫於酒婦

大事記解題

卷二

六

人不聽政太公乃遷康公於海上食一城以奉其先

祀

魏韓趙敗楚師于大梁榆關

解題曰按楚世家三晉伐楚敗我大梁榆關大梁魏

地不知楚追三晉之師至於是與或者楚伐魏而韓

趙救之世家誤以爲三晉伐楚與索隱曰榆關當在

大梁之西史記正義曰大梁今洋州浚儀也

楚與秦平

解題曰按世家楚厚輅秦與之平蓋為三晉所敗而求援于秦也

周安王十二年秦與晉戰武城

解題曰晉三晉也秦記不書何國

襄陵

解題曰徐廣曰在南平陽縣

史記正義曰括地志云在晉州臨汾縣東南

平陸

解題曰徐廣曰東平平陸

史記正義曰堯州縣也平陸城卽古厥國

七

大事記解題

卷一

周安王十二年陰晉

解題曰水經注渭水逕華陰縣故城北春秋之陰晉

也秦惠五年改曰寧秦今屬華州

齊田和會魏文侯楚人衛人于濁澤

解題曰按世家太公與魏文侯會濁澤求為諸侯魏

文侯乃使使言周天子及諸侯請立齊相田和為諸

侯周天子許之

史記正義曰括地志云濁水源出蒲州解縣東北平也

周安王十五年秦伐蜀取南鄭

解題曰本紀書秦伐蜀年表書蜀伐秦取南鄭今從本紀

魏文侯薨

解題曰孟嘗君門於白圭曰魏文侯名過於相公而功不及五伯何也白圭對曰魏文侯師子夏友田子方敬段干木此名之所以過於相公也卜相則曰成與璜孰可此功之所以不及五伯也

古史曰魏文侯內師事卜子夏

友田子方段干木被服儒者身無失德用吳起西門豹李悝盡力耕戰民賴以富而敵不敢犯外以禮與

大事記解題

卷二

八

信交接諸侯與韓趙無怨終其身魏人不知戰國之患雖非盛德之主使當乎世得行其志雖西漢文帝不能遠過也

周安王十六年田齊太公和元年

解題曰齊猶未滅故稱田齊以別之至康公卒呂氏絕祀乃去其氏

初命齊大夫田和爲諸侯

解題曰按世家康公之十九年田和立爲諸侯列於周室紀元年序傳曰王後不絕舜禹是說維德休明

苗裔蒙烈百世享祀爰周陳杞楚實滅之齊田既起
舜何人哉子長所序實因左氏盛德必百世祀之論
此蓋當時習俗之見左氏不能自拔而載之耳春秋
末士大夫不知大義如此尙何言者然其尊古先神
明之裔乃故家遺俗相傳之語特施於篡逆之田氏
則非其所也方是時苟有王者肇修人紀明逆順以
示之則其敬聖賢嚴世系之風俗乃封建之所憑藉
而久存者也

大事記解題

卷二

九

趙始都邯鄲

解題曰西漢志云趙敬仲自中牟徙此張晏曰邯鄲
山在東城下城郭從邑故加邑云師古曰邯音寒

趙公子朝作亂

解題曰朝武公子也武公薨其子不得立故作亂不
勝出奔魏與魏襲邯鄲爲趙所敗而去

吳起曰在德不在險

解題曰吳起戰國初以善戰稱者也

史記正義曰西
河卽龍門河也

魏以田文為相

解題曰田文與孟嘗君姓名適同而在前者也呂氏

春秋作商文所載吳起問荅與史記畧同按吳起傳

田文既死公叔為相尙魏公主而害吳起餘並見通

鑑說苑載楚王以吳起為苑守居一年以為令尹又

蓋起為苑守行縣適息問屈宜臼事息既為苑之屬縣則苑之為郡所以并北方也

周安王十七年秦庶長弒出公及其母

解題曰庶長失其名按呂氏春秋秦小主夫人小主即出

大事記解題 卷二

十

公夫人即其母也用奄變羣賢不悅自匿百姓鬱怨非上公

子連亡在魏是時河西在魏聞之欲入因羣臣與民從鄭所

之塞鄭關中右主然守塞弗入高誘曰古主然秦守塞吏也弗內公子連

也曰臣有義不兩主公子勉去矣公子連去翟翟從

馬氏塞塞在安定蒯改入之高誘曰蒯改亦守塞吏也入之內公子連也夫人

聞之大駭不言出公其每專政也令吏興卒卒與吏其始發也

皆曰往擊寇中道因變曰非擊寇也迎主君也公子

連因與卒俱來至雍圍夫人夫人自殺不言出公從可知也公

子連立是爲獻公怨右主然而將重罪之德菌改而

欲厚賞之監突爭之曰不可高誘曰監突秦大夫也秦公子之

在外者衆若此則人臣爭入亡公子矣此不便於主

獻公以爲然故復右主然之罪而賜菌改官大夫官大

夫秦爵非高秩也賜守塞者人米二千石右主然所部之卒也史記載

庶長弑出公及其母乃迎獻公呂氏春秋載獻公既

入乃弑之先後雖不同然右主然菌改所載事不韋

以秦相著書所載必可據也史記正義曰河西謂同華等州

大事記解題

卷二

十二

魏城安邑

解題曰魏都也按前漢地理志云魏絳自魏徙安邑

鹽池在西南後漢志鹽池猗氏長六十四里猗氏蓋

安邑之屬邑也

靈邱

解題曰徐廣曰按前漢地理志代郡有靈邱縣史正義

曰蔚州理縣也

陽城

解題曰史記正義云陽城卽洛州夏禹所都今河南

韓伐宋執宋公

解題曰按年表伐宋到彭城執宋君

周安王十八年秦止從死

解題曰秦自武公以人從死之後遂以為常至獻公
卽位而始止之也

周安王十九年秦城櫟陽徙都之

大事記解題

卷二

七

解題曰漢之萬年也屬左馮翊按孝公令往者厲蹠

簡公出子之不寧國家內憂未遑外事三晉攻奪我

河西地獻公卽位鎮撫邊境徙治櫟陽且欲東伐復

穆公之故地脩穆公之政令

史記正義曰括地志云櫟陽故城一名萬年城

今京兆府櫟陽縣

兔臺

解題曰史記正義曰在河北

周安王二十年趙圍衛衛慎公乞師于魏

解題曰按戰國策蘇秦說齊閔王曰昔者趙氏襲衛
車舍人不休傳衛國城衛八門土而二門墮矣此亡
國之形也衛君跣行告邕於魏魏王身被甲底劍挑
趙索戰邯鄲之中騫河山之間亂衛得是藉也亦收
餘甲而北面殘剛平墮中牟之郭衛非強於趙也譬
之衛矢而魏弦機也藉力魏而有河東之地趙氏懼
楚人救趙而伐魏戰於州西出梁門軍舍林中馬飲
於大河趙得是藉也亦襲魏之河北燒棘溝隊黃城

大事記解題

卷二

三

故剛平之殘也中牟之墮也黃城之隊也棘溝之燒
也此皆非趙魏之欲也然二國勸行之者何也衛明
於時權之藉也所謂剛平之殘中牟之墮卽趙世家
今年齊魏爲衛攻我取我剛平之事也棘溝之燒卽
趙世家明年借兵於楚伐魏取棘溝之事也黃城之
墜卽趙世家敬侯八年拔魏黃城之事也

史記正義
曰剛平蓋

在河
北

周安王二十一年

解題曰是年秦獻公之四年本紀書正月庚寅孝公
生孝公與邦之主秦人重而記之本紀蓋采秦史也
楚悼王薨宗室大臣攻吳起殺之

解題曰太史公曰語曰能行之者未必能言能言之
者未必能行吳起說武侯以形勢不如德然行之於

楚以刻暴少恩亡其軀悲夫餘見通鑑

呂氏春秋曰
墨者孟勝善

荆之陽城君陽城君令守于國毀璜以爲符約曰符
合聽之荆王薨羣臣攻吳起兵于喪所陽城君與焉
荆罪之陽城君走荆收其國孟勝曰受人之國與之
有符今不見符而力不能禁不能死不可其弟子徐

大事記解題

卷二

古

弱諫孟勝曰死而有益陽城君死之可矣無益也而
絕墨者于世不可也勝曰不然吾於陽城君也非節
別友也非友則臣也不死自今以來求嚴師必不崇
墨者矣求賢友必不於墨者矣求良臣必不於墨者
矣死者所以行墨者之義而繼其業者也我將屬鉅
子於宋之田襄子田襄子賢者也何患墨者之絕世
也徐弱曰若夫子之言弱請先死以除路孟勝因徒
二人傅鍾子於田襄子孟勝死弟子死之者百八十
三人二人已致令於田襄子遂反死之墨氏雖邪說
所以盛行于當時者蓋其徒以死守之也戰國嚙生
尚義之俗于此亦可見
在俠之事有自來矣夫

伐魏取棘蒲

解題曰史記正義云今趙州平棘縣古棘蒲邑

周安王二十二年鄭伐韓

解題曰年表書韓文侯七年鄭取晉世家書韓文侯七年鄭反晉晉者三晉之通稱也鄭是時服屬於韓故世家謂之反也

周安王二十三年齊康公薨於海上田氏遂滅齊

解題曰齊姜姓其先四岳佐禹平水土封於呂武王

已平商而王天下封師尚父於齊營邱史記正義曰臨淄古營邱

之地括地志云營邱在青州臨淄北百步外城中水經注云臨淄城中有邱淄水出其前經其左故有營

大事記解題 卷二

五

邱之名今青州臨淄縣 自太公至康公凡二十九世為陳氏所

滅齊景公與晏子坐于路寢公嘆曰美哉空其誰有此乎晏子曰敢問何謂也公曰吾以為在德對曰

如君之言其陳氏乎陳氏雖無大德而有施于民豆區釜鍾之數其取之公也薄其施之民也厚公厚歛焉陳氏厚施焉民歸之矣後世若少情陳氏而不亡

則國其國也已公曰善哉是可若何對曰唯禮可以已之在禮家施不及國民不遷農不移工賈不變土

不濫官不滔大夫不收公利公曰善哉我不能矣吾今而後知禮之可以為國也對曰禮之可以為國也

久矣與天地並君令臣共父慈子孝兄愛弟敬夫和妻柔姑慈婦聽禮也使景公而用此言齊豈至于不

祀哉東坡蘇氏軾養嬰能知之而莫能為之非不賢也其浩然之氣養而無害塞

乎天地之間者不及孔孟也 前漢地理志曰齊地虛

危之分塹也東有淄川東萊瑯琊高密膠東南有秦
山城陽北有千乘清河以南渤海之高樂高城重合
陽信西有濟南平原皆齊分也臨淄名營邱故齊詩
曰子之營兮遭我乎饋之問兮又曰俟我於著乎而
此亦其舒緩之體也吳札聞齊之歌曰泱泱乎大風
也哉其太公乎國未可量也古有分上亡分民

顏師古曰

有分土者謂立封疆出無分人者謂通往來不常厥居也

大公以齊地負海舄鹵

少五穀而人民寡乃以勸女工之業通魚鹽之利而

大事記解題

卷二

十六

人物輻湊後十四世桓公用管仲設輕重以富國合
諸侯成伯功身在陪臣而取三歸故其俗彌侈織作

冰紈綺繡純麗之物號爲冠帶衣履天下初太公治

齊修道術尊賢智賞有功故至今其土多好經術矜

功名其失奢奢朋黨言與行繆虐詐不情急之則離

散緩之則放縱

史記貨殖傳曰臨淄亦海岱之間一都會也其俗寬緩闒達而足智好議

論地靈難搖怯于衆國勇于持刺故多怯人者大國之風也其中具五民如淳曰游子樂其方不復歸故有五方之民也此其疆土風俗之大畧也自田和遷康公海

上既篡齊而有之矣史記年表每歲猶繫康公之年
至于今年康公卒始書田氏遂并齊而有之何邪蓋
康公雖為田氏所篡僅食一城然未嘗為天子所絕
其位號猶在也故田齊太公卒則繫之康公二十四
年而書田和卒田齊伐燕取桑邱則繫之康公二十
五年而不別其為田齊共書法可謂正矣至于田敬
仲世家乃書是歲政齊康公卒絕無後奉邑皆入田
氏方見其實焉

康公所食者一城而曰皆入田氏者蓋一城之屬邑固多也舜一年所居

大事記解題 卷二

七

成聚二年成邑三年成都邑大於聚都
大子匡戰國之所謂城即古所謂都也

黃城

解題曰杜預曰陳畱外黃縣東有黃城

齊桓公薨

解題曰按扁鵲傳扁鵲過齊齊桓侯客之扁鵲曰君
有疾不治將深桓侯不使治遂死傳立曰是時齊無
桓侯非也桓侯即田齊桓公也田氏篡齊韓魏趙篡
晉周王因命之為諸侯皆侯爵也春秋之時諸侯死

而諡者多僭稱公三晉與田氏篡國之初其死而諡
皆稱本爵未敢用春秋之僭制韓烈侯景侯虔之子
也魏武侯文侯斯之子也趙武侯烈侯藉之子也篡
國再世尙止稱本爵自是而後則淫名偽號無紀極
矣田桓公亦篡國再世扁鵲傳稱桓侯乃當時所稱
至於田敬仲世家所謂太公桓公皆威王之後追書
耳

周安王二十四年澮

大事記解題

卷二

十一

解題曰史記正義曰括地志云澮水縣在絳州翼城
縣東南

魏韓趙伐齊

解題曰按齊世家三晉因齊喪來伐我靈邱魏世家
云使吳起誤也起死在安王二十一年

秦初爲市

解題曰秦東遷後始建國逼於戎狄未備朝市之制
故獻公爲市而商鞅築冀闕也

周安王二十五年茲方

解題曰史記正義曰古今地名云荊州松滋縣古鳩

茲邑卽茲方也

楚爲扞關以拒蜀

解題曰扞者扞敵之扞非關名也蘇秦說趙曰距沙邱而至鉅鹿之界三百里距於扞關此趙扞敵之關非獨楚有之也然趙之扞關陸道之關也楚之扞關水道之關也張儀爲秦脅楚其辭曰舫舫載卒一舫

大事記解題

卷二

十九

載五十人下水而浮一日行三百餘里不至十日而距扞關扞關驚則從境以東盡城守矣此正論自蜀泛江伐楚之道也李熊說公孫述曰東守巴部距扞關之口亦謂此關也

史記正義曰括地志云扞關峽州巴山縣界

魯穆公薨

解題曰據年表穆公薨在烈王元年通鑑考異曰魯世家穆公三十三年卒若元甲戌終乙巳則是三十二年也六國表差謬難可盡據

周安王二十六年徙晉靖公

解題曰史謂三國廢公為家人分其地非也

是年為靖公元

年以竹書考之靖公雖食一城韓徙都于鄭尚假靖公之命晉何嘗滅乎史記之書誤矣

中人

解題曰徐廣曰中山唐縣有中人亭

史記正義曰括地志云中山故

城一名中人亭在定州唐縣東北

周烈王元年韓滅鄭

解題曰鄭姬姓周宣王二十二年封弟友于宗周畿

大事記解題 卷二

三

田之鄭

今華州鄭縣

是為桓公及幽王時遷於河南新鄭

水經注竹書紀年王子多父伐剋之乃居鄭父之邱名之曰鄭是為桓公然則新鄭即剋之墟也今為鄭州新鄭縣

左洛右濟前華後河食溱洧焉自桓公至鄭

君凡二十三世前漢地理志鄭與韓同屋分本高辛

氏火正祝融之虛成臯滎陽潁川之崇高陽城皆鄭

分也土陜而險山居谷汲男女亟聚會故其俗淫鄭

詩曰出其東門有女如雲又曰溱與洧方灌灌兮士

與女方秉菅兮恂盱且樂惟士與女伊其相諱此其

風也序傳曰桓公之東太史是庸及侵周禾王人是
議祭仲要盟鄭久不昌子產之仁紹世稱賢三晉侵
伐鄭納于韓潁濱蘇氏曰渾罕曰姬在列者蔡及曹
勝其先亡乎偪而無禮鄭先衛亡偪而無法作邱賦
鑄刑書
昔廢法以便
事故曰無法夫無禮則不能自立無以止大國之暴
無法則不能守人民將不懷大國不予不折必仆民
不予將以其力自斃此其所以爲亡之先後也

秦初爲戶籍相伍

大事記解題

卷二

三

解題曰昔未有而今始作之也五家爲比五比爲閭
五家爲鄰五鄰爲里皆所謂相伍也

周烈王三年六月趙兩雪

解題曰今之四月也

燕敗齊師於林狐

解題曰燕在春秋世服屬於齊至是乃敗齊師雖適
當威王初立不親政之時亦其强大之漸也燕世家
書伐齊

敗於林營今

從年表通鑑

魯伐齊入陽關

解題曰陽關本魯地後爲齊所取杜預曰在泰山郡

鉅平縣東

史記正義曰括地志云在兗州博坡縣南西臨汶水

博陵

解題曰史記正義曰在濟州西界

宋桓公辟兵立

解題曰穎濱蘇氏曰按索隱汲冢紀年作桓公辟兵莊子曰桓公出前驅呼辟蒙人以爲狂而史記作桓

大事記解題

卷二

三

公辟兵且名辟兵而謚辟事必不爾史記蓋誤也

周烈王四年趙以犬戊午爲相

解題曰肅侯十六年游大陵出于鹿門大戊午扣馬曰耕事方急一日不作百日不食肅侯下車謝後此蓋三十餘年未知其猶爲相歟或去位而猶諫歟味其諫語其相業可知矣

趙伐衛取鄉邑七十三

解題曰按魏年表伐衛取都鄙七十三蓋都鄙之邑

也邑地小故數多如宋與向戌邑六十之類

北蘭

解題曰史記正義曰在石州趙之西北

周烈王五年魯陽

解題曰屬南陽史記正義曰括地志云汝州縣以魯出為名

韓嚴遂弑哀侯國人立其子懿侯

解題曰哀侯之弑傳記多訛以為聶政已見本條按

史記正義紀年云晉桓公邑哀侯於鄭韓山堅賊其

大事記解題 卷二

三

君哀侯而立韓若山若山即懿侯也韓山堅即韓嚴也晉桓公即晉靖公也

高安

解題曰史記正義曰在河東

周烈王六年趙伐齊取甄衛伐齊薛陵

解題曰按世家齊威王召阿大夫與語曰昔日趙取

甄子弗能救衛取薛陵子弗知然則甄與薛陵其阿

之屬邑歟史記正義曰甄即濮州甄城縣北

齊威王封卽墨大夫烹阿大夫

解題曰按世家滑稽傳威王初卽位以來不治委政卿大夫九年之間諸侯並伐國人不治於是威王朝

諸縣令長七十二人召卽墨大夫

卽墨今萊州卽墨縣

而封之

召阿大夫

阿今鄆州東阿縣

及其左右嘗譽者皆并烹之餘

並見通鑑

齊威王來朝

解題曰魯仲連謂辛垣衍曰昔者齊威王率天下諸

大事記解題

卷二

十四

侯而朝周周貧且微諸侯莫朝而齊獨朝之居歲餘

周烈王崩齊後往周怒赴於齊所謂率天下諸侯而

朝周者率先朝周爲諸侯倡也烈王崩在明年

韓公鄭地長子與趙

解題曰趙世家是年書攻鄭敗之以與韓韓與我長子按鄭滅六年矣安得復有鄭意者韓滅鄭之時趙

與有勞焉至是韓始以地酬其功歟長子屬上黨

韓懿侯趙成侯伐魏與魏營戰於濁澤

解題曰嘗惠王也按世家初武侯卒也子嘗與公中緩爭爲太子公孫頤自宋入趙自趙入韓謂韓懿侯

曰魏嘗與公中緩爭爲太子君亦聞之乎今魏嘗得

王錯挾上黨固半國也因而除之破魏必矣

公孫頤王錯皆

魏大夫也懿侯說乃與趙成侯伐魏戰于濁澤

長社有濁澤

大

敗魏君

嘗也

遂圍魏趙謂韓曰除魏君立公中緩割地

而退我且利韓之不如兩分之趙不可韓不說以其

師夜去趙亦歸餘見通鑑公孫頤說韓懿侯之時名

大事記解題

卷二

五

惠王而謂與公中緩爭爲太子未葬未卽位之稱也

韓趙圍魏之時謂惠王爲魏君已葬已卽位之稱也

惠王旣在魏都而又汲上黨分國之半公中緩雖不

知其所據何地其亦分國之半歟及韓趙退師之後

始殺緩而位定耳汲冢紀年惠王二年又書魏大夫

王錯出奔韓錯惠王之黨位定而反出奔其事雖不

可考或者恃功而見逐歟年表通鑑皆載濁澤之戰

於惠王二年當以魏世家爲正

汲冢紀年云魏武侯元年封公也緩趙侯

種韓諗侯伐我七年公中緩如邯鄲以
作難通鑑云罽遂殺公中緩而立當考

魏趙韓滅晉徙靖公於屯留

解題曰三晉徙靖公於屯留今濟州屯留縣則奪其所食城

而降於家人矣趙世家載於肅侯元年當周顯王二

十年竹書紀年載于梁惠王元年當周烈王六年竹

書蓋魏國當時之史其載前世治亂雖多訛謬至於

書戰國事必可信也今從之索隱曰紀年云趙成侯韓共侯遷桓公子屯留

已後更無晉事趙世家成侯十六年又書與韓魏分晉封晉君以端氏蓋世家之誤也晉姬姓

大事記解題 卷二

三

周成王封其弟叔虞於唐唐在河汾之東方百里正義

曰世本云居鄂宋忠云鄂地今在大夏括地志云故唐城在絳州翼城縣西二十里故鄂城在晉州昌寧

縣東二里與絳州夏縣相近然封于河汾二水之東方百里正合在晉州平陽縣不合在鄂未詳唐

叔子變徙居晉改國號晉侯正義曰國都城記云唐叔虞之子變父徙居晉

水傍今并州治故唐城即變父初徙之處其城南半入州城半訓為坊城墻北半見在故唐城堯所築非

唐叔始封也詩譜云叔虞子變父以堯墟南有晉水改曰晉侯自唐叔至靖公凡三

十七世按前漢地理志河東土地平易有鹽鐵之饒

本唐堯所居詩風唐魏之國也其民有先王遺教君

子深思小人儉陋故唐詩蟋蟀山樞葛生之篇曰今
我不樂日月其邁宛其死矣它人是媮百歲之後歸
於其居皆思奢儉之中念死生之慮吳札聞唐之歌
曰思深哉其有陶唐氏之遺民乎自唐叔十六世至
獻公滅魏以封大夫畢萬滅耿以封大夫趙夙及大
夫韓武子食采于韓原晉於是始大至於文公伯諸
侯尊周室始於河內之土吳札聞魏之歌曰美哉颯
颯乎以德輔此則明主也文公後十六世爲韓魏趙

大事記解題

卷二

五

所滅序傳曰武王既崩叔虞邑唐君子讖名卒滅武
公酈姬之愛亂者五世重耳不得意乃能成霸六卿

專權晉國以耗

晉世家太史公曰晉文公古所謂明
君也七居外十九年至困約及卽位

而行賞尙忘介子推况驕主乎靈公旣弑其後成景
致嚴至厲太刻大夫懼誅禍作悼公以後日衰六卿
專權故君道之御
其臣下固不易哉

周烈王七年馬陵

解題曰史記正義曰此馬陵在魏州元城縣東南或
云在鄭州中牟

中山築長城

解題曰以備趙也

懷

解題曰史記正義曰括地志云故懷城在懷州武陟

縣西

周顯王元年齊伐魏取觀津趙人歸齊長城

解題曰年表書趙侵齊取長城按田敬仲世家封卽

墨大夫烹阿大夫後書遂起兵西擊趙衛魏惠王請

大事記解題 卷二

元

獻觀津以和

解 史記正義曰括地志云觀津在冀州棗陽縣東南本趙邑今屬魏 趙

人歸我長城於是齊國震懼人人不敢飾非務盡其

誠諸侯聞之莫敢致兵于齊然則趙侵齊取長城必

在封卽墨大夫烹阿大夫前至是畏齊強而歸之也

年表誤矣

齊世家書惠王獻觀之由曰敗魏于濁澤而圍惠王惠王請獻觀以和按魏世家載

韓趙敗魏於濁澤事甚詳齊威王未嘗與也

趙與韓來攻

解題曰按趙世家成侯七年與韓攻周蓋將分周為

二也

韓城邢邱

解題曰按水經注梁惠成王三年鄭城邢邱韓都鄭
故戰國策諸書多稱韓爲鄭也邢邱故邢國今屬邢
州

周顯王二年趙與韓分周爲二

解題曰初西周惠公封少子以奉王

東周惠王

雖獨擅河

南之地然禮樂征伐之大者王猶與聞也至是趙與

大事記解題

卷二

五

韓攻周分而爲二則東西周各爲列國不復相關顯

王雖在東周特建空名於其上耳自是而後凡史傳
所載致伯賜胙之類周王也征伐謀策稱東西周君
者皆謂二周君也趙韓攻周其與師之由雖不可考
意者爲西周而舉歟周本紀云赧王時東西周分治
非也赧王特徙都西周耳當以趙世家爲正

河水赤于龍門三日

解題曰按水經注竹書紀年晉昭公元年河赤于龍

門三里梁惠成王四年河水赤于龍門三日

周顯王三年魏侯與韓懿侯會於宅陽遂伐秦城武堵秦敗之於洛陽

解題曰魏侯魏惠王也是時未稱王按魏世家惠王

五年與韓會宅陽

史記正義曰括地志云本名北宅在鄭州滎陽縣東南

城武

堵為秦所敗徐廣曰秦年表曰敗韓魏洛陰今本作

洛陽

趙與齊會阿下

大事記解題

卷二

手

解題曰趙世家成侯九年與齊戰阿下徐廣曰戰一

作會按田敬仲世家威王封卽墨大夫烹阿大夫之

後諸侯莫敢致兵於齊二十餘年雖未可盡信然距

阿下之會首尾纔五年耳當從別本

史記正義曰阿下卽東阿也

魏公子景賈伐韓與韓將韓明戰于陽魏師敗走

解題曰按水經注竹書紀年梁惠成王五年公子景

賈率師伐鄭韓明戰於陽我師敗遁

周顯王四年儀臺

解題曰徐廣曰一作義臺

史記正義曰郭象云儀臺靈臺也

周顯王五年秦章驕伐魏

解題曰獻公之遣章驕伐魏意在於復河西之地也

自是秦之勢浸強矣左氏紀諸侯侵伐雖大戰猶未

嘗書斬首幾萬也以萬計級自石門之戰始

史記正義曰

地志云堯門山俗名石門在雍州三原縣西北上有路其狀若門故老云堯鑿山爲門故名之

秦紀

石門之戰不紀將兵之人惟於年表記之徐廣曰或

又云秦以車騎與晉戰于石門天子聞其勝而賀之

大事記解題 卷二

三

石門一作石阿

秦敗魏於少梁獲其將公孫痤

解題曰古史曰史記秦本紀及魏世家云虜公孫痤

耳惟趙世家及秦魏韓年表皆云虜太子痤按孟子

梁惠王言東敗於齊長子死焉西喪地於秦七百里

蓋太子申戰沒於齊而未嘗爲虜於秦也凡史記言

是年秦虜太子痤者皆非前漢地理志左馮翊夏陽

縣故少梁秦惠王十一年更名禹貢梁山在西北龍

門山在北故韓國也今同州韓城縣

趙成侯與趙懿侯遇於上黨

解題曰卽春秋所謂遇也上黨今潞州趙成侯十三年乃韓懿侯九年趙世家誤書於昭侯

秦獻公薨子孝公立

解題曰秦本紀書獻公二十四年薨今從年表通鑑孝公生二十一年矣

魏與趙戰於榆次陽邑

大事記解題

卷二

三

解題曰按水經注竹書紀年梁惠成王九年與邯鄲榆次陽邑榆次今太原府榆次縣陽邑今太原府太

谷縣

魏侯會韓懿侯于巫沙

解題曰按水經注竹書紀年梁惠成王九年王會鄭釐侯於巫沙在滎陽東今屬鄭州

大事記解題卷二終

